

Mensahe 7

Ang Duha ka Aspeto sa Kompletong Kaluwasan sa Dios—ang Balaodnong Katubsanan ug Organicong Kaluwasan

Basahong Kasulatan: Rom. 5:10, 21; Juan 1:12-13; 1 Ped. 2:25;
Rom. 6:19, 22; 2 Cor. 4:16; 3:18; Efe. 4:15-16;
Rom. 8:28-29; Fil. 3:20-21

I. Duha ka aspeto ang kompletong kaluwasan sa Dios—ang balaodnong aspeto ug ang organicong aspeto—Rom. 5:10, 21; Juan 1:12-13; 1 Ped. 2:25; Rom. 6:19, 22; 2 Cor. 4:16; 3:18; Efe. 4:15-16; Rom. 8:28-29; Fil. 3:20-21:

- A. Ang balaodnong aspeto sa kaluwasan sa Dios objectibong gihuman ni Cristo diha sa Iyang unod diha sa pisikal nga ginsakpan sa yutan-ong pagpangalagad Niya—Juan 1:14; Col. 1:22:
1. Sumala kini sa pagkamatarong sa Dios—Rom. 1:17a; 3:21-26; 9:30-31.
 2. Pinaagi kini sa pagtuman sa Dios sa tanang gipangayo sa Iyang matarong nga kasugoan sa mga makasasala pinaagi sa makatubos nga kamatayon ni Cristo sa krus—Gal. 3:13; 1 Ped. 2:24; 2 Cor. 5:21; Heb. 9:12.
 3. Gituman ni Cristo ang Iyang yutan-ong pagpangalagad sa paghuman Niya sa balaodnong katubsanan sa Dios nga dunay ingon niini nga objectibong mga resulta:
 - a. Ang pagpasaylo sa mga sala sa mga magtutuo—Luc. 24:47; Efe. 1:7.
 - b. Paghugas sa mga sala sa mga magtutuo—Heb. 1:3.
 - c. Pagmatarong sa mga magtutuo—Rom. 3:24-25.
 - d. Pagpasig-uli sa mga magtutuo, nga mga kaaway Niya, ngadto Niya mismo—5:10a.
 - e. Pagbalaan sa mga magtutuo sa ilang posisyon ngadto Niya isip balaang katawhan Niya—1 Cor. 1:2; Heb. 13:12; 10:29.
- B. Ang balaodnong katubsanan sa Dios mao ang paagi sa kompletong kaluwasan Niya aron makaambit ang mga magtutuo sa organicong kaluwasan sa Dios nga maoy tuyo sa kompletong kaluwasan Niya—Rom. 5:21.
- C. Gituman ang tanang butang sa organicong kaluwasan sa Dios dili ni Cristo diha sa unod sa yutan-ong pagpangalagad Niya sa balaodnon ug objectibong paagi kondili ni Cristo nga Espiritung taghatag-og-kinabuhi sa langitnong pagpangalagad Niya sa organico ug subjectibong paagi—1 Cor. 15:45b.

II. Ang organicong aspeto sa kaluwasan sa Dios subjectibong gituman ni Cristo nga Espiritung taghatag-og-kinabuhi diha sa diosnon ug misticong ginsakpan sa langitnong pagpangalagad Niya sa mosunod nga walo ka lakang:

- A. Ang pag-anak pag-usab maoy sentro sa kompletong kaluwasan sa Dios ug ang pagsugod sa kaluwasan sa Dios sa organicong aspeto niini:
1. Kini ang pagpasanay sa diosnong kinabuhi pinaagi sa pagpaambit sa kinabuhi sa Dios nganha sa mga magtutuo aron ipanganak pag-usab ug lalangan pag-usab sa Espiritu sa Dios ang tinubos nga mga magtutuo diha sa ilang espiritu—Juan 3:6b.
 2. Pinaagi man sa pagkabanhaw ni Cristo nga ikapaambit Niya ang Iyang kinabuhi nganha sa mga magtutuo isip pagbulot-an aron mahimo silang mga

anak sa Dios, nga gipanganak sa Dios isip kaliwat Niya—1 Ped. 1:3; Juan 1:12-13.

3. Pinaagi sa pag-anak pag-usab nabatonan sa mga magtutuo ang walay kataposan, diosnong kinabuhi sa Dios dugang sa natural, tawhanong kinabuhi nila—3:15, 36.
- B. Ang pagpakaon diha sa pagpangatiman pagtil-og man sa diosnong kinabuhi:
1. Ang pagpakaon maoy pagpadayon sa pag-anak pag-usab pinaagi sa pagpangatiman ni Cristo sa Iyang panon sa pagtil-og ug pagpangga Niya kanila aron motubo ang Iyang mga karnero diha sa diosnong kinabuhi hangtod mahamtong—Efe. 5:29; Juan 10:10-11, 14-16; 21:15-17; Heb. 13:20; 1 Ped. 5:4; 2:25.
 2. Sa pagpakaon matil-ogan ang mga puya (bag-ong mga magtutuo) aron inamay silang motubo ug maluwas pinaagi sa sangkap sa gatas nga naa sa pulong sa Dios—v. 2.
 3. Ang pagpakaon moresulta sa pagkahamtong sa mga magtutuo diha sa diosnong kinabuhi hangtod matransporma sila ug masama sa dagway ni Cristo—2 Cor. 3:18; Rom. 12:2; 8:29.
 4. Ang pagpakaon pinaagi sab sa mga magtutuo sa pag-atimanay nila sa usag usa aron matukod ang Lawas ni Cristo para matuman ang walay kataposang pamatigayon sa Dios ug makab-ot ang walay kataposang tuyo Niya—Efe. 4:11-16; Juan 21:15-17; 1 Ped. 5:2-3.
- C. Ang pagbalaan sa disposisyon maoy nag-umol sa mga magtutuo sa diosnong kinaiya sa Dios:
1. Sulodnong pagbalaan kini sa mga magtutuo nga nagtubo diha sa diosnong kinabuhi pinaagi sa pagbuhat sa Espiritu Santo, sa Espiritu sa kinabuhi, diha sa ilang taras—Rom. 15:16; 8:2.
 2. Gibalaan ang mga magtutuo sa diosnon, balaang kinaiya sa Dios aron mabalaan sila ngadto sa Dios ug sa ingon niana matuman ang tuyo sa Dios sa pagpili Niya kanila—2 Ped. 1:4; Efe. 1:4.
 3. Nagpasabot og pagtransporma ang pagbalaan sa disposisyon—Rom. 6:19, 22.
 4. Sa kinataposan mapadayag sa Bag-ong Jerusalem nga balaang syudad ang pagbalaan—Bug. 21:2, 10; 22:19.
- D. Ang pagbag-o maoy kahikayan sa bag-ong kabuhatan sa Dios:
1. Diha-dayong mabag-o ang mga magtutuo sa mabalaan sila sa Espiritu Santo—2 Cor. 5:17.
 2. Ang pagbag-o maoy pagpadayon sa paghugas sa pag-anak pag-usab ug gibasi sa nagpadayong kahikayan sa pagbalaan, nga nagbag-o sa mga magtutuo.
 3. Gibuhat ang pagbag-o:
 - a. Sa Espiritung nagbag-o nga nakigsagol sa gipanganak pag-usab nga espiritu sa mga magtutuo nga gipuy-an ni Cristo isip usa ka espiritu nga mokaylap sa hunahuna sa mga magtutuo aron mabag-o ang tibuok nilang pagkatawo isip bahin sa bag-ong tawo—Tito 3:5; Efe. 4:23.
 - b. Sa paggawi sa mga magtutuo sa kabag-o sa kinabuhi diha sa pagkabanhaw—Rom. 6:4; Efe. 4:22-24; Fil. 1:19-21.
 4. Ang pagbag-o pinaagi man sa pag-ut-ot sa mga pag-antos sa mga magtutuo tungod sa ilang palibot—2 Cor. 4:16.
 5. Hingpit ug bug-os gyong bag-ohon ang mga magtutuo aron praktikal nga mahimo silang tinuod nga bag-ong binuhat sa Dios ug alang sa Dios—Gal. 6:15.
 6. Tungod sa pagbag-o masama kabag-o sa Bag-ong Jerusalem ang mga magtutuo—Bug. 21:2.

- E. Ang pagtransporma mao ang metabolicong kahikayan diha sa diosnong kinabuhi:
1. Magtransporma sa tibuok pagkatawo sa mga magtutuo kining kahikayana, sugod sa pagbag-o sa salabotan, aron hingpit silang makaambit sa pagkadios sa Dios—Rom. 12:2b.
 2. Dili kini dayag nga pagkorehir o pagpahiangay kondili metabolismo, tungod sa pagdugang sa elemento sa diosnong kinabuhi ni Cristo nganha sa ilang pagkatawo, aron mapadayag diha sa dagway ni Cristo.
 3. Gibuhat kini sa Ginoong Espiritu (sa pneumaticong Cristo) nga nagtransporma sa mga magtutuo ngadto sa dagway sa himaya ni Cristo—2 Cor. 3:18.
 4. Magkinabuhi ug maggawi gyod ang mga magtutuo pinaagi sa Espiritu (Gal. 5:16, 25) ug maggawi uyon sa nasagol nga espiritu (Rom. 8:4b), aron makadumala nila ang diosnong kinabuhi ni Cristo ug makatransporma nila ngadto sa dagway sa Ginoo diha sa himaya.
- F. Ang pagtukod mao ang pagsumpay ug pagtagik pag-usa diha sa diosnong kinabuhi:
1. Maanaa ang pagtukod sa Dios pinaagi sa pagsumpay ug pagtagik pag-usa sa pagbuhat sa Espiritung nagtransporma nganha sa mga magtutuo—Efe. 4:16.
 2. Lugwa kini sa pagtubo sa mga magtutuo sa tanang butang ngadto sa Ulo, ni Cristo—v. 15; Col. 2:19.
 3. Kini ang pagtukod sa Lawas ni Cristo aron mahingpit ang pagtukod sa balaang syudad, sa Bag-ong Jerusalem—Efe. 4:16; Bug. 3:12; 21:10-11.
- G. Ang pagkasama sa dagway mao ang pagkahamtong diha sa diosnong kinabuhi:
1. Ang pagkasama sa dagway maoy kahingpitan sa pag-anak pag-usab, pagpa-kaon, pagbalaan, pagbag-o, ug pagtransporma sa mga magtutuo diha sa diosnong kinabuhi—Rom. 8:28-29.
 2. Ang pagkasama sa dagway kana mang mahamtong na ang mga magtutuo diha sa diosnong kinabuhi pinaagi sa Espiritung nagpahamtong nga naa sa ilang espiritu nga gipadato ni Cristo aron mahingkod nga tawo, sa sukod sa gidak-on sa kahupnganan ni Cristo—Col. 1:28; Efe. 4:13.
 3. Ang pagkasama sa dagway pagkasama man sa dagway sa panganayng Anak sa Dios—Fil. 3:10; 1:19-21a; 1 Juan 3:2.
- H. Ang pagkahimaya maoy hingpit nga pagpadayag sa kompletong kaluwasan sa Dios:
1. Sa pag-anak pag-usab gitimbrehang sa Dios sa Iyang Espiritu ang gipanganak pag-usab nga mga magtutuo alang sa adlaw sa pagtubos—Efe. 1:13; 4:30.
 2. Mahimaya ang nahamtong na nga mga magtutuo gikan sa sulod pinaagi sa tibuok-kinabuhi nga pagsurop sa himaya sa Dios ug gikan sa gawas pinaagi sa pagkadala nila ngadto sa himaya sa Dios—v. 30; 2 Tes. 1:10; Rom. 8:23, 30; Heb. 2:10.
 3. Ang pagkahimaya sa nahamtong na nga mga magtutuo maoy kinamaayohang pahat sa diosnong pagkaanak nila diha sa organicong kaluwasan sa Dios, nga nadawat nila sa panahon nga gipanganak sila pag-usab—Gal. 4:5; Rom. 8:23.
 4. Ang pagtubos sa lawas sa mga magtutuo mao ang pagkausab sa dagway sa ilang lawas sa pagbalik sa Ginoo—Fil. 3:20-21.
 5. Pinaagi sa pagkahimaya makab-ot sa Dios ang katumanan sa walay kataposang tuyo Niya—ang Bag-ong Jerusalem—ang pagpatin-aw sa pagkausa ug panagsagol sa nahikay ug nahingpit nga Tulo-usang Dios sa gipanganak pag-usab, gitransporma, gipasama sa dagway, ug gihimaya nga piniling katawhan Niya nga may tulo ka bahin.

III. Ang tumong sa Dios ning walo ka seksyon sa organicong kaluwasan Niya mao ra ang paghimo kanatong Dios sa kinabuhi, kinaiya, ug pagpadayag

apan dili sa ranggo sa pagka-Dios, sa ato pa, himoon tang hulad, xerox copy, sa Dios; “ang Espiritu mismo nga naa sa atong espiritu” mao ang sekreto sa organicong kaluwasan sa Dios:

- A. Gipanganak ta pag-usab sa nanganak nga Espiritu nga naa sa atong espiritu nga gibuhi ni Cristo, gihatagan ta sa pagbulot-an nga mahimong mga anak sa Dios, nga gipanganak sa Dios.
- B. Gipakaon ta sa nagtil-og nga Espiritu nga naa sa atong espiritu nga gipangga ni Cristo, sa espirituhanong gatas sa pulong aron motubo ta ngadto sa pagkaluwas.
- C. Gibalaan ta sa nagbalaang Espiritu sugod sa atong espiritu nga nabihag ni Cristo, pinaagi sa kinaiya sa Dios, naghimo natong balaan ngadto sa Dios.
- D. Gibag-o ta sa nagbag-ong Espiritu nga naa sa atong espiritu nga gipuy-an ni Cristo, aron masul-ob nato ang bag-ong tawo pinaagi sa pagdugmok sa krus.
- E. Gitransporma ta sa nagtranspormang Espiritu nga naa sa atong espiritu nga gipuno ni Cristo, ngadto sa mahimayaong dagway ni Cristo aron mapadayag Siya.
- F. Gitukod ta sa nagtukod nga Espiritu nga naa sa atong espiritu nga gipanag-iya ni Cristo, aron mahimong balay sa Dios ug Lawas ni Cristo nga kapuy-an Nila.
- G. Gipasama ta sa nagpahamtong nga Espiritu nga naa sa atong espiritu nga gipadato ni Cristo, sa dagway ni Cristo, nga panganayng Anak sa Dios—ang sumbanan sa mga anak sa Dios.
- H. Gisuropan ta sa nagtimbreng Espiritu nga naa sa atong espiritu nga nagkalipay uban ni Cristo, sa himaya sa Dios ug gidala ta nganha ning himayaa aron mahimaya ta